

憲示第八百一十六號

輔政使司啟

曉諭事照得現奉

督憲札開將保衛民生刪補則例開列於下俾眾週知等因奉此合亟
出示曉諭為此特示

一千九百零二年

二月

二十八日示

潔淨衙門按照一千九百零一年第十三條保衛民生則例第十三款
定立章程列左

一千九百零一年保衛民生則例後列B字內薰洗傳染屋宇章程第
六第七款並第七款下之分款又第八第九款以上數款經登於憲報
即一千九百零一年第五百五十五號憲示又第一第二款經登於憲
報即一千九百零一年第五百五十四號憲示此後以上各章程均作
刪除茲將以下章程補入

防疫或杜絕傳染病症章程

一為防疫或杜絕病症起見雖本港無此等病症之時潔淨衙門皆可畫
定界 委派人員親到界內屋宇挨次稽查該委員又可遵照潔淨
醫師或副潔淨醫師或潔淨衙門所定經 督憲批准人員之分不帶
同工役將界限內屋宇薰洗潔淨當薰洗之際依該潔淨醫師或副潔
淨醫師或所立經批准人員之意見應將所有家私貨物遷移別處者
即可將該等物件遷去凡屋宇要透徹薰洗者須遵依潔淨醫師或副
醫師或所立經批准人員之意見須將假使閣仔房板圍屏天花板及
相類之板架等物或盡行拆毀或將其中之一份拆毀或該人員以
此等物件有碍該屋透光通氣者該委員 可將此等物件拆去該潔
淨醫師或副潔淨醫師或所立經批准人員以為保衛民生須將此等
物件或遷移或毀拆或二者並行即當照此施為惟於拆毀一節須要

遵照潔淨衙門隨時分示如何小心辦理

辦理以上潔淨衙門委派人員自晨早五點鐘起下午六點鐘止皆可
入屋稽查辦事無庸預 通知

二在潔淨衙門所定界內薰洗屋宇之時該衙門各人員或巡捕各人員
均可禁止居民將家私衣服床褥及屋內什物或自界內遷出或遷入
界內除是管理薰洗人員命遷者則不必禁止凡搬運衣物者須具有
潔淨醫師或副醫師所給執照一紙呈遞該人員驗看方可凡求給搬
運執照者潔淨醫師或副醫師可先令將衣物薰洗允合方可給以執
照

凡未領有執照或無管理薰洗人員之命而搬運衣物自界內出或自
外入者即作違犯此則例章程

三凡屋宇經潔淨醫師或照例經註冊之別位醫師批定不合民人住居
者雖該屋宇經已照以上第一款章程薰洗潔淨衙門均可將全屋或
屋之一份封閉俟該屋修理妥當潔淨衙門允合居住方可復開該衙
門經歷可出通諭令該屋各住居人廿四點鐘後即行遷出該屋不
須潔淨衙門經歷簽名其上或給該屋戶主或住居人或貼於該屋之
處亦可

凡屋被封者須領有潔淨衙門經 親筆簽名之執照謂該屋合住居
人民始可復准人居住

凡要設立棚廠或租賃屋宇或船隻以安頓封屋搬出之人潔淨衙門
可稟准 督憲辦理

四凡所有公眾或私家貯糞穢之器須由物主以潔淨衙門批准之辟穢
藥料投於該器以防傳染須至潔淨醫師允合方可

凡廁所之地板溝渠板障坐位及廁內所設之物須用清水加入批准
辟穢藥料常加洗潔

以上章程於一千九百零二年 月 日經潔淨衙門定立又
經一千九百零二年 月 日定例局批准頒行